



**Kiffartuussinissamut isumaqatigiissutip aallarnisaasunut tunngatillugu ineriartortitsinermik ingerlataqarnermut siunnerfeqartinneqartut neqeroortitsivigineqarnerat**

04-10-2016  
Sags nr. 2016 - 7928

Postboks 1601  
3900 Nuuk  
Tlf. (+299) 34 50 00  
Fax (+299) 32 56 00  
E-mail: [isiin@nanoq.gl](mailto:isiin@nanoq.gl)  
[www.nanoq.gl](http://www.nanoq.gl)

Tungaviusoq

Nunanit allanit misilittakkat takutippaat aallarnisaasut suliffeqarfiup aallartisarneqarnerata nalaani taamaallaat siunnersuineramik isumasioqateqarnermillu pisariaqartitsisannigitsut. Suliffeqarfiit aallartisarartut ineriartornissaat siuariartornissaallu qulakkeerniarlugu aallussinerusumik sivisunerusumillu ingerlataqarnissaq pisariaqarpoq, tassani suliffeqarfiit siunnerfilimmik isumasioqateqartassalluni aammalu annaasaqarnissamik piunassuseqarfiusumik aningaasassarsiorinnissamut ikiorneqassalluni. Suliffeqarfinnut assigiinnigitsunut avatangiisinik, suliffeqarfiit akimorlugit isumasioqatigiissitsisunik attaveqatigiilersitsisunillu, taamaalillunilu suliffeqarfiup ineriartorteqqinneqarnissaanut aningaasassarsisinnaanissamut iluaqutaanerussamik, inerisimasutut inissinnissaannut nukittorsaaq pilersitsineq periaasiusinnaasut ilagaat.

Suliniutip imarisaa anguniagarlu

Nunanit allanit isumassarsiorluni, aallarnisaasunut aallaaviusussamik pilersitsinissaq Naalakkersuisut kissaatigaat – taanna taaneqartarpoq aallarnisaasunik ineriartortitsinermik ingerlataqarneq, aallarnisaasunut nutaanut ”tukertiteriffissatut” nutaaliorfiussatut atornerqartussaq – kiisalu suliffeqarfiit nutaat akornanni attaveqatigiinnermik inerisaanermut iluaqutaasussaq. Aallarterlaat kukkussutigisartagaannik aallarnisaasut pinngitsuinnissaat, piaartumillu siuarsarnissaq siunertarlugu suliffeqarfiup patajaallisarnissaanut aqutissiuunnissaasa qulakkeernissaat siunertarlugit aallarnisaasut qaammatit 24-t tikillugit siunnersorneqarlutillu isumasioqatigineqassapput. Taamaaliornikkut suliffinnut aallarterlaanut aamma siuarsarsinnaasulittut suliffinnut ingerlasuusunut iluatsitsisarneq pitsanngorsineqassaaq.

Aallarnisaasoq isumassarsippat, isumassarsiap pimoorussilluni aallartivinneqannginnerani, ineriartortitsinissamut misileraanissamullu ikiorneqarnissamik periarfissamik aallarnisaasunut ineriartortitsinermik aqqissuussaq ammaassissaaq. Attaveqatigiinnerit aqutigalugit aallarnisaasoq aallarterlaaq inuussutissarsiornermut misilittagaqarluartunut, isumasioqataasinnaasunut siunnersuilluarsinnaasunullu, attaveqalersinneqassaaq. Aallarnisaasunut ineriartortitsinermik ingerlataqarnerup nalaani suliniummi malunnaatilimmik siuariartortoqarnissaa aalajangiisuulluinnartumik pingaaruteqarpoq. Piffissami tassani

sumiiffissaqarnissaq, aallarnisaasunik ineriartortitsineranut illumik taaneqartartoq, nujugaqarfiit siamasinneri pissutigalugu naleqqutinngilaq, kisianni imaassinnaavoq ukiualuit qaangiuppata ineriartorneq aqutissamut tassunga tikkuasaq. Taamaattumik neqeroorummi nuna tamakkerlugu aallarnisaasut qanoq ilaatinneqarsinnaanissaat sillimaffigineqassaaq – assersuutigalugu qitiusumi isumasioqatigiinnerni peqataanernik – peqataasunut aningaasartuutit matussuserneqarsinnaanissaat qulakkeerneqarlutik, imaluunniit angalasartoqatigiinnik ingerlatsisoqartarnera, internet atorlugu ataatsimiinnerit il.il. aqutigalugit.

Teknologi nutaaliaasoq internettimi naapiffeqalernissamut atornerarluni, aammalu aallarnisaasunik ulluinnarni apeqquaqarneranni iluaqutaasinnaasumik qanimut attaveqarluni, aammalu inuussutissarsiutigalugu suliaqartunit aallarnisaasut ingerlatsinissaminnik ineriartortitsineranni siuariartortumik ingerlanissaannik qulakkeereqataasumik qanimut malinnaasoqarluni ilusiliinissaq, kissaatigineqarpoq.

Aallarnisaasunik ineriartortitsineranut ilusiliaq siunnerfilimmik ilitsersuineramik, nutaaliorluni suliaqarluni ataatsimiititsineramik aamma suliaqartunik attaveqatigiissitsineramik, ataatsimoorlutik aallarnisaasunut suliffeqarfiup ineriartortinnissaanut patajaannerusumik tunngavissaqalersitsisussanik, ataqatigiisitsiviussaaq. Aallarnisaasut aningaasartuutaat ingerlatani peqataaneranut tunngassuteqartut, kiffartuunneqarnissamut isumaqatigiissutip aningaasartaannit matussuserneqassapput.

Aallarnisaasunik ineriartortitsineranut ilusiliaq suliffeqarfinnut aallarterlaanut, soorlulusooq suliffeqarfinnut siuarsarnissamik kissaateqartunut aammalu nioqquissanik avammut tunisinissamik kiffartuussissutinilluunniit aallartitaqarusuttunut sammisaqarsinnaavoq.

Aallarnisaasunik ineriartortitsineranut ilusiliamut kiffartuussinissamik isumaqatigiissut ingerlatanut agguataarsimassaaq.

Ingerlataq 1 2016-imit aallartilluni 2017 tamaat ingerlassaaq, tassungalu 2016-imi aningaasat 500.000 koruunit, aamma 2017-imi koruunit 4 mio. immikkoortinneqarput. Aningaasaliisarnikkut pisariaqartunik inatsisitigut tunngavissaqarnera apeqquaatillugu 2017-imi upernaap ingerlanerani 2018-imut aamma 2019-imut ukiuni taakkunani koruuninik 4 mio.-nik naatsorsuutigisassatut annertussusilinnik isumaqatigiissutinik atsiuisoqarsinnaassaaq. Taamaalilluni neqeroorut nassiussaaq, ilanngullugu suliaqarnissanut pilersaarutigisaaq taamatut ingerlatanut agguataarineramik takussutissiissaaq.

#### Neqeroortitsineranut piumasaqaatit aamma suleriaatsit.

Suliffeqarfinnut aallarnisaasunut ineriartortitsineramik ingerlataqarnermi peqataanissamut kissaateqartunut sullissinissamut kiffartuunneqarnissamut isumaqatigiissut Namminersorlutik Oqartussat matumuuna neqeroortitsivigaat. Sullissineramik neqerooruteqarnissamut soqutiginnittut matumuuna neqeroortitsineranut najoqqutassanut matumunnga naapertuuttumik neqerooruteqarnissamut qaaqquneqarput.

Neqeroortitsinermit najoqqutassat allakkiami uaniipput.

*Oqartussaasoq suliakkiisuusoq*

Inuussutissarsionermut, Suliffeqarnermut Niuernermullu Naalackersuisoqarfik  
Postboks 1601  
3900 Nuuk  
Oqarasuaat: (+299) 34 50 00  
Telefax: (+299) 32 56 00  
E-mail: [isiin@nanoq.gl](mailto:isiin@nanoq.gl)

*Neqeroortitsisup tunuarsimaarfii*

Oqartussaasumit aningaasaliisussamit nalinginnaasumik tunuarsimaarfeqarnerit saniatigut, oqartussaasoq suliakkiisuusoq makkuninnga imminut pisinnaatitaaffeqartippoq:

- Najoqqutassat nassiunneqartut tigungmiinnarnissaat
- Neqeroorutit suliarinninnermut aammalu isumaqatigiissuteqarnermi avataaneersunik siunnersortitit ikiortissanik akuutitsinissaq
- Neqeroorutit tiguneqareernerisa kingorna neqerooruteqartunit tamaginnit imaluunniit ataasiakkaanit paasissutissanik erseqqissaassutaasussanik tapertaasussanillu piniarnissaq. Paasissutissat taamaattut neqeroorutit ilaatut isigineqassapput.

*Neqerooruteqarnermut atugassarititaasut*

Oqartussaasumit suliakkiisuusumit sioqqutsumik allaganngorlugu akuersisoqarsimatinnagu, pilersuisussaasinnaasut neqeroorummi allassimasut eqqaassanngikkaanni, neqerooruteqartoq pilersuisussanik atuinissamut pisinnaatitaanngilaq. Neqerooruteqartoq pilersuisussanik atuisappat, pilersuisuusoq pingaarneq pilersuutiginerartup naggataatigut pitsaassusaanut akisussaasuusoq, erseqqissarneqassaaq. Ingerlatseqatigiiffiit arlallit ataatsimoorlutik (suliffissuarmi) neqerooruteqarpata, neqeroorutit ingerlatseqatigiiffinnut tamaginnut saneqqunneqarsinnaanngitsumik pisussaaffigineqarpoq aammalu ingerlatseqatigiiffinnit tamaginnit atsiorneqassalluni. Suliffissuaq kiffartuunneqarnissamut isumaqatigiissummik tunineqassappat, suliffissuarmi ilaasortat tamarmik immikkut isumaqatigiissummumut nammaqatigiillutik toqqaannartumillu akisussaasuullutik/akiliisussaasuullutik, uppersaammik tunniussissapput.

*Neqeroorutit allatut ittut*

Neqeroorutit allatut ittut isiginiarneqassanngillat.

*Akuersinissamut piffissamut killissaliussaq*

Neqerooruteqartup neqeroorutini, neqerooruteqarnissamut piffissamut killiliussamit ullut 60-it tikillugit atuutsissavaa

*Neqerooruteqartup tunuarsimaarfii*

Neqerooruteqartoq tunuarsimaarfeqassappat, tamanna neqeroorummi erseqqilluinnartumik allassimassaaq, tunuarsimaarfeqarneq sumut tunngassuteqarnersoq, tunuarsimaarfeqarneq sutigut pinersoq aammalu tunuarsimaarfeqarnermut tunngavilersuutaasut nassuiarneqarsimassallutik.

Erseqqissarneqassaaq tunuarsimaarfeqarneq neqeroortitsinermut najoqqutassani tunngaviusumik ilaasunut akerliuppat, ilanngullugu isumaqatigiissut, tamanna oqartussaasup suliakkiisuusup neqeroorummik atuutsitsinnginneranik malitseqarsinnaammat.

*Neqeroortitsinermut najoqqutassanut piginnittussaataaneq*

Neqeroortitsinermut najoqqutassat aamma paasissutissat tassaniittut, suliakkiilluni oqartussaasup pigisarai.

*Aningaasarsiat*

Neqerooruteqarnermut isumaqatiginninniarnermullu peqataanermut aningaasarsiaqartitsisoqassanngilaq.

*Neqeroorutip inerisarneqarnerani, imarisaanni tunniunneqarneranullu ilusiliussassanut piumasagaatit*

Neqerooruteqartup suliassap sularineqarnissaanut piumasagaatit qanoq naammassiniarnerai tamakkiisumik nassuiaammik, neqeroorut imaqassaaq. Paasissutissat attuumassuteqartut tamarmik neqerooruteqarnermut najoqqutassanerpiaq allassimatillugit, neqeroorut ilusilersorneqassaaq. Paasissutissat, soorlu assersuutigalugu paasissutissatut naqitami assigisaannilu allassimasut, taamaalillutik neqeroorutip nalilersorneqarnerani ilaatinneqassanngillat.

Neqeroorut kalaallisut, danskisut imaluunniit tuluttut oqaasertalerneqarsinnaavoq.

Neqeroorummi akigititaq danskit koruuninik allassimassapput

Neqerooruteqartoq ataaseq ataasiinnarmik neqerooruteqarsinnaavoq.

Ilaanakortumik neqerooruteqartoqarsinnaanngilaq.

Neqeroorutip tamakkiisuunissaa aammalu pissutsinik attuumassuteqartunik samminniffiunissaa aamma paasissutissanik pisariaqartunik tamaginnik imaqarnissaa, ilanngullugit akigititat tamarmik allassimanissaat (akikillisaassutit assigisaallu ilanngullugit), aammalu neqeroorutip sutigut tamatigut eqqoqqissaartuunissaa, neqerooruteqartup akisussaaffigaa. Neqerooruteqartup neqerooruteqarnermut matumunnga atatillugu aningaasartuutai, oqartussaasup suliakkiisuusup susassarinnngilai.

*Neqeroorutininik sularinninneq*

Neqerooruteqartoq neqeroorutit ammaneqarneranni najuussinnaanngilaq imaluunniit neqerooruteqartut allat neqeroorutaat pillugit paasissutissanik pissarsisinaanani.

Neqeroorut sunaluunniit, tamatumunnga inatsisit atuuttut periarfissiitillugit, oqartussaasumit suliakkiisuusumit isertuussatut pineqassaaq. Neqeroorutit tiguneqartut utertinneqassanngillat.

#### *Neqeroorutit suliarineqarnissaat*

Neqeroorutit tiguneqartut, toqqaanissamut tunngavissarititaasunut aamma tunniussinissamut tunngavissarititaasunut, neqeroortitsinermut najoqqutassani matumani allassimasunut, sanilliullugit nalilersorneqassapput.

Neqeroorutit tiguneqartoq toqqaanissamut tunngavissarititaasunik naammassinninngitsoq nalilerneqarpat oqartussaq neqerooruteqartumut tiguneqartumut isumaqatigiissummik tunniussiniarani suliakkiisuusooq aalajangersinnaavoq.

#### *Isumaqatiginninniarnaq aamma isumaqatigiissummik tunniussineq*

Neqeroorutit tiguneqartut sanilliunneqareerneranni, neqerooruteqartumut tunniussinissamut tunngavissarititaasut aallaavigalugit aningaasaqarnikkut iluaqutissartaqarnerpaamik neqerooruteqarsimasumut, isumaqatigiissut tunniunneqassaaq. Oqartussaasoq suliakkiisuusooq aamma neqerooruteqartoq neqeroortitsinermut najoqqutassanut aamma neqeroorummut tiguneqartumut killissaliussat iluanni kiffartuunneqarnissamut isumaqatigiissutip ilusilersorneqarnissaa isumaqatiginninniutigisinnaavaat.

#### Neqerooruteqartumut piumasaqaatit.

Neqeroorutit suliarineqassappat neqerooruteqartoq naleqquttumik uppernarsaatinik nassiussisimassaaq:

1. Neqerooruteqartoq akiliisinnaajunnaarsimanngitsoq, sulianik unitsitsisimanngitsoq imaluunniit akiliisarnerninik unitsitsisimanngitsoq imaluunniit suliaqarnini assigisaaluunniit unitsissimanngikkaa.
2. Neqerooruteqartoq Kalaallit Nunaanni imaluunniit Danmarkimi inatsisit naapertorlugit pissutsini pillarneqarfiusinnaasuni eqqartuussivimmi eqqartuussisinnaasumi pillaatissinneqarsimanngitsoq, ingerlatseqatigiiffiup suliatigut ataqqinassuseqarneranik qulalersitsisumik. Tamanna uppernarsarneqarsinnaavoq makku aqutigalugit:
  - Sullissinermut uppernarsaat qaammatit 6-it iluanni tunniunneqarsimasooq.
3. Neqerooruteqartoq Kalaallit Nunaanni tamakkiisumik akileraartussaataaassaaq.
4. Neqerooruteqartoq sullissinerup neqeroorutigineqartup suliarinissaanut aningaasaqarnikkut aningaasalersuinikkullu naammattumik pisinnaasaqartuussaaq. Tamanna assersuutigalugu makkuninnga uppernarsarneqarsinnaavoq:
  - Suliffeqarfiup assersuutigalugu ukiunut 3-inut kingullermut ukiumoortumik nalunaarusiai kukkunerisuisartumit atsiorneqarsimasut.
  - Akisussaasuunermut sillimmasiissutip aamma sillimmasiissutip aningasartaasa assilinerat.

5. Neqerooruteqartoq sullissinerup neqeroorutigineqartup suliarinissaanut naammaattumik teknikkikkut niuernermillu tunngaveqartumik pisinnaasaqartoq misilittagaqartorlu. Tamanna assersuutigalugu makkuninnga uppersarneqarsinnaavoq:
- Neqeroorummuk matumunnga naleqquttumik kiffartuussinernut, ukiut 3-it kingulliit suliarineqarsimasunut, pingaaruteqarnerpaanut allattuiffik.
  - Attaveqarfissanut paasissutissartaqartumik innersuussiviusunut allattuiffik.
  - Sulisut akuutinneqartut pillugit paasissutissat, ilanngullugit ilinniartitaanermut paasissutissat naleqquttut.
  - Ukiumoortumik suliffissaqartinneqartut ukiuni 5-ini kingullerni agguaqatigiissinneri, pisortat ilanngullugit.
  - Pitsaassutsumik qulakkeerisarnermut suliat aalajangersimasumik ingerlatinneqartarsimasinnaanerannut nassuiaat.

#### Tunniussinissamut tunngavissarititaasut.

Neqeroorutit tiguneqartut tunngavissarititaasut pingaaruteqassusilerneqartut matuma kingulianiittut aallaavigalugit nalilersorneqassapput:

1. Ingerlatanut pisussanut pilersaarutip ilusilersorneqarnera – 50%-imik pingaaruteqassusilerlugu  
Neqerooruteqartup ingerlatassanut pisussanut pilersaarummik ataatsimoortumik suliasamat siunnerfittut aalajangersarneqartunut tunngavissaliisussat ilusilersussagai naatsorsuutigineqarpoq.  
Ingerlatassanut pisussanut pilersaarutip ilusilersorneqarnerani siunnerfiusut ataasiakkaat aalajangersimasumik tunngavissinneqarnissaat paasinarsinneqarsimassaaq, taamatullu suliasaq tamakkiisumik isigalugu suliarineqassalluni, ilanngullugu suliasami neqeroorutip ataatsimoortup siammarlugu ilusiligaanera naleqquttoq.
2. Sulianut piginnaasaqarneq aamma sullissinissamik neqeroortitsisup suliniutini aaqquussinerani misilittagaqarneq – 30 %-imik pingaaruteqassusilerlugu  
Neqerooruteqartup aaqquussaanikkut ilusiliisimanini sukumiisumik nassuiassagaa naatsorsuutigineqarpoq, ilanngullugu neqerooruteqartup qanoq iliorluni suliasaqarfimmi suliaqartuusunut attuumassuteqartunut allanut ataqatigiissitsinissaq qulakkeerniarneraa. Aaqquussaanikkut ilusiliinermi suliniutip ingerlanneqarnerani naliliinermik piniartarnissamut aammalu suliniuteqarnerup ingerlaartuutimik naleqqussartarnissaanik qulakkeerinissamut periarfissaqarnerit, qaffasissumik pingaartinneqassapput.
3. Akigititaq/aningaasartuutitut tunngasut – 10 %-imik pingaaruteqassusilerlugu  
Kiffartuunneqarnissamut isumaqatigiissut, aningaasaliisarnikkut pisariaqartunik inatsisitigut tunngavissaqarnera apeqquaatillugu, 500.000 koruuninik 2016-imi, 4 mio. koruuninik 2017-imi, 4 mio. koruuninik 2018-imi, kiisalu 2019-imi 4 mio koruuninik

anigaasartaqassaaq. Neqeroorutit nalilersorneqarneranni akigititap,  
pitsaassutsip anigaasartuutillu akornanni ataqatigiinnerit  
pingaartinneqassapput. Value for money qitiutinneqassaaq.

4. Pitsaassutsinik qulakkeerineq aamma pitsaassutsinik ineriartortitsineq – 10 %-  
imik pingaaruteqassusilerlugu

Neqerooruteqartup pitsaassutsimik qulakkerisarnermut aamma  
pitsaassutsinik ineriartortitsinermut periaasissaa, nalilersuinerimi  
immikkut tunngavissarititaasutut ilaatinneqassaaq.

#### Neqerooruteqarneq.

Neqeroorut elektroniskimik nassiunneqassaaq uunga [isin@nanoq.gl](mailto:isin@nanoq.gl) aammalu  
allaganngorlugu uunga Inuussutissarsiornermut, Suliffeqarnermut Niuernermullu  
Naalackersuisoqarfik, Box 1601, 3900 Nuuk. Neqeroorut Naalackersuisoqarfimmi  
tiguneqareersimassaaq kingusinnerpaamik ulloq 4. november 2016 nal. 12:00.

Inuussutissarsiornermut, Suliffeqarnermut Niuernermullu Naalackersuisoqarfik  
tamatumaa kingorna nalilersuissaaq aammalu neqeroorutininik tiguneqartunik  
toqqaassalluni. Naatsorsuutigineqarpoq neqerooruteqartut toqqaanissamut  
tunngavissarititaasunik naammassinnittut, tassunga atatillugu Inuussutissarsiornermut,  
Suliffeqarnermut Niuernermullu Naalackersuisoqarfimmi nalunaaquttap akunnerani 1-  
2-ni saqqummiinermut peqataassasut naatsorsuutigineqarpoq. Saqqummiineq  
neqeroorutininik tiguneqartunut, immikkut kiffartuussinermik suliaqarnerup  
ilusilersorneqarnera neqeroorutigineqartoq (ingerlatassanut pisussanut pilersaarut)  
sammillugu, tunngassuteqassaaq. Neqeroorummik ajugaasumik toqqaaneq ulloq 18.11  
2016 nallertsinnagu pissasoq naatsorsuutigineqarpoq.

Neqeroorutit imarisamik, akigitititigut imaluunniit pitsaassutsikkut  
akuersaarneqarsinnaasutut nalilerneqanngippata, taakkua tamaasa itigartinnissaannut  
Naalackersuisoqarfik imminut piginnaatippoq.

Suliassamut imaluunniit neqerooruteqarnissamut atatillugu apequtissat  
saqqummiunneqarsinnaapput uunga immikkoortortaqaqarfimmi pisortaq Tina Jensen,  
[tjen@nanoq.gl](mailto:tjen@nanoq.gl), imaluunniit oqarasuaat nr. 34 56 22.